

Swydd Ddisgrifiad



Teitl y Swydd	Athrawon/Tiwtoriaid y Gymraeg ym Mhatagonia		
Lleoliad y Swydd	Patagonia	Lwfans	£750 y mis
Yn Atebol i	Y Cydlynnydd Dysgu	Cyfnod y Swydd	Chwefror 2026 – Rhagfyr 2026
Dyddiad Cau	8 Medi 2025		
Nod y Swydd			
- I ddysgu Cymraeg i amryw o oedrannau a lefelau yn y cymunedau - I annog dysgwyr i ymuno â'r dosbarthiadau - I gydweithio gyda thiwtoriaid ac athrawon lleol i greu arfer dda - I gydweithio gyda'r cymunedau i adfer yr arferion da o gynnal gweithgareddau cymdeithasol yn yr iaith Gymraeg			
Cyd-destun y Swydd			
Mae Cynllun yr Iaith Gymraeg yn Chubut yn cynnig cyfle unigryw i unigolion cymwys ddysgu a datblygu'r Cymraeg yn Nhalaith Chubut, Patagonia. Cynigir cytundebau o Chwefror 2026 tan fis Rhagfyr 2026. Dyddiad cau ceisiadau ydy'r 8fed Medi a bydd cyfweiliadau yn cael eu cynnal cyn diwedd mis Hydref. Cynigir swyddi yn ol cytundeb pan cadarnheir ariannu o ran Lywodraeth Cymru i'r Cynllun Dysgu Cymraeg yn 2026. Darperir llety ar gyfer cyfnod y cytundeb yn ddi-gost i'r ymgeiswyr llwyddiannus gan y cymunedau lleol ym Mhatagonia. Dylai'r rhai a benodir fod yn hyddysg ym maes dysgu Cymraeg i oedolion neu ym maes addysg feithrin/gynradd. Bydd y rhain yn swyddi datblygu. Ceisiwn unigolion a fydd yn barod i gydweithio a chynghori'r tiwtoriaid lleol a phwyllgorau lleol y dosbarthiadau Cymraeg a threfnu a chydlynu gweithgareddau cymdeithasoli iaith. Un dwy swydd yn cael eu cynnig yn Nyffryn Camwy (Ardal Trelew a'r Gaiman) ac un swydd yn cael ei chynnig yn yr Andes (Ardal Esquel a Threvelin) yn dysgu naill ai plant, oedolion neu'r ddau. Bydd hyn yn cael ei adolygu yn seiliedig ar argymhellion Adroddiad Blynnyddol Cynllun yr Iaith Gymraeg. Hefyd yn ystod y pandemig roedd diddordeb mawr o tu allan i'r dalaith i ddysgu Cymraef felly mae'r gallu i ddysgu arlein yn fantais.			
Cynllun yr Iaith Gymraeg British Council			

Prif Dasgau a Chyfrifoldebau	
1	Cydweithio gydag athrawon â thiwtoriaid er mwyn darparu addysgu deinamig a chynorthwyo wrth baratoi deunyddiau at ddefnydd y dosbarth yn ol anghenion lleol.
2	Rhannu arfer gyfoes ym myd addysg o Gymru gydag athrawon yn y Wladfa er mwyn cryfhau'r ddarpariaeth dysgu Cymraeg fel ail iaith.
3	Cyfrannu at ddatblygiad y cwricwlwm Cymraeg yn yr ysgolion wrth ystyried eu hanghenion unigryw.
4	Cydweithio gyda thiwtoriaid/athrawon er mwyn datblygu eu sgiliau proffesiynol a gwella eu sgiliau iaith.
5	Bod ar gael i athrawon/tiwtoriaid holi ynglyn â materion sydd ynghlwm wrth ddysgu Cymraeg Ail Iaith.
6	Creu dolenni rhwng ysgolion/asiantaethau yng Nghymru a'r Ariannin.
7	Hyrwyddo defnydd yr iaith Gymraeg yn y cymunedau lleol trwy drefnu gweithgareddau cymdeithasol a thrwy fynychu digwyddiadau a gwyliau diwylliannol (e.e. sermeoniau, eisteddfodau).
8	Hyrwyddo gwaith y Cynllun yn yr ysgolion a'r dosbarthiadau trwy ddefnyddio'r cyfryngau cymdeithasol.
9	Bod yn weladwy o fewn y cymunedau Cymreig fel cynrychiolydd o Gymru.
10	Unrhyw ddyletswyddau pellach o fewn ffiniau rhesymol sydd yn rhan o'r ddarpariaeth Gymraeg yn y Wladfa.

Cysylltiadau Allweddol

Mewnol

- Athrawon eraill o Gymru ym Mhatagonia
- Athrawon a thiwtoriaid o Batagonia yn y Wladfa
- Y Cydlynnydd Dysgu
- Swyddog Prosiect British Council Cymru

Allanol

- Dysgwyr
- Pwyllgorau Lleol
- Penaethiaid Ysgolion Cynradd
- Rhieni

Amodau

- Cytundeb 10 mis yn dechrau Chwefror 2026 – Rhagfyr 2026.
- Hediad o'r Deyrnas Unedig i'r Ariannin ac yna'n ôl i'r Deyrnas Unedig ar ddiwedd cyfnod y cytundeb.
- Llety di-dâl wedi ei drefnu gan y cymunedau lleol.
- Lwfans misol o £750 sy'n cynnwys costau teithio lleol.
- Yswiriant meddygol.
- Lwfans adnewyddu fisa.

Bydd angen gwiriad DBS ar bob Swyddog a gyflogir

Manyldeb Personol

	Hanfodol	Dymunol	Asesu
Ymddygiadau	Parodrwydd, gallu, brwdfrydedd ac awydd i gyfrannu i lwyddiant addysg Gymraeg a'r gweithgareddau cymdeithasoli iaith ym Mhatagonia		Cyfweliad
Sgiliau a Gwybodaeth	Sgiliau technoleg gwybodaeth: y gallu i baratoi deunyddiau digidol, defnyddio platfformau addysgu, gallu defnyddio Zoom/Meet i ddysgu gwersi arlein, gallu hysbysebu gweithgarwch ar y cyfryngau cymdeithasol		Cyfweliad
Profiad	Profiad o ddysgu'r Gymraeg, fel ail iaith neu iaith gyntaf i blant, pobl ifanc a/neu yn y sector Cymraeg i Oedolion Profiad o allu dysgu cyrsiau Cymraeg i Oedolion gyda'r cyrsiau a ddefnyddir yn Nghymru: Mynediad y Wladfa, Sylfaen, Canolradd ac Uwch 1 a 2	Profiad o waith cymdeithasoli iaith e.e. Mentrau iaith neu weithgareddau cymunedol	Rhestr Fer a chyfweliad
Cymwysterau	Cymwysterau dysgu priodol	Gradd	Rhestr Fer